



Broj: 01/1-50-1-1-104/10  
Sarajevo, 14.6.2010.

## Z A P I S N I K

### 104. sjednice Ustavnopravne komisije

Sjednica je održana 14.6.2010., s početkom u 10 sati.

Sjednici su prisustvovali članovi Komisije: Šefik Džaferović, Velimir Jukić, Lazar Prodanović, Halid Genjac, Drago Kalabić, Momčilo Novaković i Adem Huskić.

Članovi Komisije Ekrem Ajanović i Martin Raguž nisu prisustvovali sjednici.

Sjednici su prisustvovali i predstavnici: Vijeća ministara BiH Zvonimir Kutleša, Ministarstva pravde BiH Milana Popadić, Instituta za intelektualno vlasništvo BiH Lidija Vignjević, Ureda za razmatranje žalbi BiH Amir Pilav, Centralne izborne komisije BiH Irena Hadžiabdić, Koordinacionog odbora asocijacije elektronskih medija u BiH Reuf Herić i Amna Pupovac, iz Zakonodavno-pravnog sektora PSBiH Aida Kreho te iz Sektora za odnose s javnošću PSBiH Zoran Brkić.

Sjednici su prisustvovali i sekretar Komisije Igor Bajić i savjetnik Nedžad Salman.

Nakon rasprave Komisija je jednoglasno usvojila sljedeći

## D N E V N I R E D

1. Prijedlog zakona o autorskom i srodnim pravima, predlagač: Vijeće ministara BiH, broj 01,02-02-2-5/10, od 18.1.2010. (**postupak u nadležnoj komisiji na osnovu zaključka Doma sa 77. i 78. sjednice – u skladu s članom 110. Poslovnika Doma**);
2. Prijedlog zakona o kolektivnom ostvarivanju autorskog i srodnih prava, predlagač: Vijeće ministara BiH, broj 01,02-02-2-4/10, od 18.1.2010. (**postupak u nadležnoj komisiji na osnovu zaključka Doma sa 77. i 78. sjednice – u skladu s članom 110. Poslovnika Doma**);
3. Prijedlog zakona o izmjenama i dopunama Zakona o polaganju pravosudnog ispita u Bosni i Hercegovini, predlagač: Vijeće ministara BiH, broj 01,02-02-5-28/10, od 14.4.2010. (**postupak u nadležnoj komisiji – amandmanska faza u skladu s članom 110. Poslovnika Doma**);
4. Ostala pitanja:
  - Izvještaj o provođenju zakona u nadležnosti Centralne izborne komisije BiH za 2009. godinu, broj 01,02-50-3-578/10, od 19.4.2010. (**razmatranje Izvještaja – postupak u skladu s članom 41. stav (2) Poslovnika Doma**),
  - Informacija i zaključak Vijeća ministara BiH o utvrđivanju odgovornosti u Uredu za razmatranje žalbi BiH, broj 01,02-50-3-631/10, od 29.4.2010. (**razmatranje Informacije – postupak u skladu s članom 41. stav (2) u vezi s članom 64. stav (2) Poslovnika Doma**),
  - Inicijativa poslanika Mirka Okolića, broj 01-50-3-662-1/10, od 19.5.2010. (**razmatranje Inicijative – postupak u skladu s članom 41. stav (2) u vezi s članom 64. stav (2) Poslovnika Doma**).

**Ad.1. Prijedlog zakona o autorskom i srodnim pravima, predlagač: Vijeće ministara BiH, broj 01,02-02-2-5/10, od 18.1.2010. (postupak u nadležnoj komisiji na osnovu zaključka Doma sa 77. i 78. sjednice – u skladu s članom 110. Poslovnika Doma);**

**Ad.2. Prijedlog zakona o kolektivnom ostvarivanju autorskog i srodnih prava, predlagač: Vijeće ministara BiH, broj 01,02-02-2-4/10, od 18.1.2010. (postupak u nadležnoj komisiji na osnovu zaključka Doma sa 77. i 78. sjednice – u skladu s članom 110. Poslovnika Doma)**

Predsjedavajući je predložio, a Komisija jednoglasno prihvatila, da se o ova dva prijedloga zakona održi jedna rasprava.

Predsjedavajući je otvorio raspravu u kojoj su učestvovali članovi Komisije: Momčilo Novaković, Halid Genjac, Velimir Jukić, Šefik Džaferović i direktorica Instituta za intelektualno vlasništvo BiH Lidija Vignjević.

S obzirom da su u skladu s navedenim zaključkom Doma na oba predložena zakona podnesena ukupno 33 amandmana, koji predstavljaju prijedloge kompromisnih rješenja, Ustavnopravna komisija je nakon rasprave jednoglasno odlučila da:

- formira radnu grupu sastavljenu od tri člana Komisije, predstavnika Instituta za intelektualno vlasništvo BiH i predstavnika kolektivnih organizacija za zaštitu autorskih prava;
- radna grupa ima zadatak da do naredne sjednice Ustavnopravne komisije, zakazane za 28.5.2010., usaglasi kompromisne amandmane kako bi Ustavnopravna komisija do naredne sjednice Predstavničkog doma, zakazane za 30.5.2010., sačinila dopunu izvještaja o oba navedena zakona u skladu sa zaključkom Doma.

S obzirom na navedeno, Komisija predlaže Domu da odgodi razmatranje Prijedloga zakona o autorskom i srodnim pravima i Prijedloga zakona o kolektivnom ostvarivanju autorskog i srodnih prava do naredne 80. sjednice Predstavničkog doma.

**Ad.3. Prijedlog zakona o izmjenama i dopunama Zakona o polaganju pravosudnog ispita u Bosni i Hercegovini, predlagač: Vijeće ministara BiH, broj 01,02-02-5-28/10, od 14.4.2010. (postupak u nadležnoj komisiji – amandmanska faza u skladu s članom 110. Poslovnika Doma)**

Predsjedavajući je otvorio raspravu u kojoj su učestvovali članovi Komisije: Momčilo Novaković, Halid Genjac, Velimir Jukić, Šefik Džaferović, Drago Kalabić i predstavnica Ministarstva pravde BiH Milana Popadić.

Na Prijedlog zakona amandman je podnio poslanik Drago Kalabić.

Komisija, s tri glasa „za“, tri glasa „protiv“ i jednim glasom „suzdržan“, nije prihvatila amandman I. poslanika Drage Kalabića.

Nakon rasprave Ustavnopravna komisija je, s četiri glasa „za“, dva glasa „protiv“ i jednim glasom „suzdržan“:

- usvojila tekst Prijedloga zakona o izmjenama i dopunama Zakona o polaganju pravosudnog ispita u Bosni i Hercegovini i predlaže Predstavničkom domu njegovo usvajanje;
- odlučila da, u skladu s članom 113. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenuje predsjedavajućeg Komisije.

**Ad.4. Ostala pitanja:**

- **Izvještaj o provođenju zakona u nadležnosti Centralne izborne komisije BiH za 2009. godinu, broj 01,02-50-3-578/10, od 19.4.2010. (razmatranje Izvještaja – postupak u skladu s članom 41. stav (2) Poslovnika Doma)**

Predsjedavajući je otvorio raspravu u kojoj su učestvovali članovi Komisije: Momčilo Novaković, Halid Genjac, Velimir Jukić, Drago Kalabić i predstavnica Centralne izborne komisije BiH Irena Hadžiabdić.

Nakon rasprave Ustavnopravna komisija je, s četiri glasa „za“, bez glasova „protiv“ i tri glasa „suzdržan“, prihvatila Izvještaj o provođenju zakona u nadležnosti Centralne izborne komisije BiH za 2009. godinu i predlaže Predstavničkom domu njegovo usvajanje.

- **Informacija i zaključak Vijeća ministara BiH o utvrđivanju odgovornosti u Uredu za razmatranje žalbi BiH, broj 01,02-50-3-631/10, od 29.4.2010. (razmatranje Informacije – postupak u skladu s članom 41. stav (2) u vezi s članom 64. stav (2) Poslovnika Doma)**

Predsjedavajući je otvorio raspravu u kojoj su učestvovali članovi Komisije: Momčilo Novaković, Halid Genjac, Velimir Jukić, Drago Kalabić i Adem Huskić, kao i predstavnici Ureda za razmatranje žalbi BiH Amir Pilav i Generalnog sekretarijata Vijeća ministara BiH Zvonimir Kutleša.

- Nakon rasprave Ustavnopravna komisija je, s četiri glasa „za“, tri glasa „protiv“ i bez glasova „suzdržan“, podržala Informaciju i zaključak Vijeća ministara BiH o utvrđivanju odgovornosti u Uredu za razmatranje žalbi BiH;
- Ustavnopravna komisija dostavlja navedenu informaciju i zaključak Vijeća ministara BiH Predstavničkom domu u daljnju proceduru.
- **Inicijativa poslanika Mirka Okolića, broj 01-50-3-662-1/10, od 19.5.2010. (razmatranje Inicijative – postupak u skladu s članom 41. stav (2) u vezi s članom 64. stav (2) Poslovnika Doma).**

Nakon rasprave Ustavnopravna komisija jednoglasno je konstatirala:

- u skladu s članom 8. Poslovnika Doma, poslanici imaju pravo da podnose inicijative;
- Komisija dostavlja navedenu inicijativu Predstavničkom domu u daljnju proceduru.

Sjednica Komisije završena je u 12 sati.

**SEKRETAR KOMISIJE**  
**Igor Bajić**

**PREDSJEDAVAJUĆI KOMISIJE**  
**Šefik Džaferović**